



SLUŽBENE NOVINE

ZENIČKO - DOBOJSKOG KANTONA

Godina VIII - Broj 11

ZENICA, Petak 22. 08. 2003.

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
VLADA



Bosnia i Herzegovina
FEDERATION OF BOSNIA I HERZEGOVINA
ZENICA - DOBOJ CANTON
GOVERNMENT

232.

Na osnovu članka 8. Zakona o ministarskim, vladnim i drugim imenovanjima Federacije Bosne i Hercegovine ("Sl. novine Federacije BiH", broj: 12/03), a u postupku imenovanja odnosno nominacije na upražnjene pozicije u reguliranim tijelima Vlade i ministarstava Zeničko-dobojskog kantona, Vlada Zeničko-dobojskog kantona objavljuje

O G L A S

za upražnjene pozicije u reguliranim tijelima Zeničko-dobojskog kantona

- | | |
|--|---|
| 1.1. Ravnatelj Agencije za privatizaciju Zeničko-dobojskog kantona1 | 5.1. Predsjednik Upravnog odbora OŠ "Hamza Humo" Babino - Zenica1 |
| 1.2. Predsjednik Upravnog odbora Agencije za privatizaciju Zeničko-dobojskog kantona.....1 | 5.2. Predsjednik Upravnog odbora OŠ "Musa Ćazim Ćatić" Zenica1 |
| 2.1. Član Upravnog odbora MIZ "KEMAL KAPETANOVIĆ" d.o.o. Zenica1 | 5.3. Predsjednik Upravnog odbora Specijalne osnovne škole Zenica1 |
| 2.2. a) Predsjednik Upravnog odbora "UNICO FILTER" dd Tešanj.....1 | 5.4. Predsjednik Upravnog odbora OŠ "Ćamil Sijarić" Nemila - Zenica1 |
| 2.2. b) Član Upravnog odbora "UNICO FILTER" dd Tešanj1 | 5.5. Predsjednik Upravnog odbora OŠ "21. mart" Matuzići Doboje - Jug1 |
| 2.3. a) Predsjednik Upravnog odbora GIK "SRETNO" d.o.o. Breza.....1 | 5.6. Predsjednik Upravnog odbora OŠ "Hamdija Kreševljaković" Kakanj1 |
| 2.3. b) Član Upravnog odbora GIK "SRETNO" d.o.o. Breza2 | 5.7. Predsjednik Upravnog odbora OŠ "15. april" Doboje - Kakanj1 |
| 3.1. Član Upravnog odbora "CENTROTRANS" dd Kakanj2 | 5.8. Član Upravnog odbora iz reda roditelja OŠ "Katarina Kotromančić - Kosača" Žepče1 |
| 3.2. Član Upravnog odbora "ZENICATRANS" dd Zenica1 | 5.9. a) Predsjednik Upravnog odbora OŠ "Novi Šeher" u Novom Šeheru1 |
| 4.1. Predsjednik Upravnog odbora J.P. Šumarstvo" Visoko1 | |

5.9. b) Član Upravnog odbora iz reda nastavnika OŠ "Novi Šeher" u Novom Šeheru	2
5.9. c) Član Upravnog odbora iz reda roditelja OŠ "Novi Šeher" u Novom Šeheru	2
5.10. Član Upravnog odbora Mašinskog fakulteta Zenica	1
5.11. Član Upravnog odbora MIZ "Kemal Kapetanović" Zenica	1
6.1. Kantonalni pravobranitelj	1
7.1. Ravnatelj Kantonalne bolnice Zenica	1
7.2. Ravnatelj Kantonalnog zavoda za medicinu rada	1
7.3. Ravnatelj Kantonalnog zavoda zdravstvenog osiguranja	1

Opis pozicija:

Regulirana tijela u nadležnosti Vlade Zeničko-dobojskog kantona

1.1.

Ravnatelj Agencije za privatizaciju Zeničko-dobojskog kantona organizira i vodi poslovanje Agencije, predstavlja i zastupa Agenciju, odgovara za zakonitost rada, pravilno i zakonito vođenje materijalnog i finansijskog poslovanja Agencije, postavlja i razrješava službenike Agencije, predlaže donošenje akata iz nadležnosti Upravnog odbora, osigurava pripremanje materijala za Upravni odbor, provodi odluke i zaključke Upravnog odbora, donosi odluke o investicionim ulaganjima sukladno sa finansijskim planom Agencije, te obavlja i druge poslove utvrđene Statutom i drugim općim aktima Agencije. Ravnatelj Agencije imenuje i razrješava Vlada Zeničko-dobojskog kantona na period od četiri godine, a nakon isteka ovog perioda može biti ponovo imenovan.

Plaća Ravnatelja Agencije utvrđuje se sukladno Zaključku Vlade Kantona o određivanju koeficijenata za utvrđivanje plaća funkcionera, rukovodećih radnika i radnika u Vladi Zeničko-dobojskog kantona, kantonalnim ministarstvima i drugim tijelima kantonalne uprave, broj: 03-403-195/96 od 26. 08. 1996. godine i Odlukom o plaćama i naknadama rukovoditelja izvršnih organa vlasti koje imenuje, odnosno postavlja Vlada Zeničko-dobojskog kantona, broj: 02-34-10506/01 od 25. 06. 2001. godine (koeficijent 8,00).

1.2.

Predsjednik Upravnog odbora Agencije rukovodi

sjednicama Upravnog odbora Agencije, stara se o blagovremenom pripremanju materijala za sjednice Upravnog odbora i blagovremenom dostavljanju istih svim članovima Upravnog odbora, te o izvršavanju svih obveza spram Vlade Zeničko-dobojskog kantona. Obavlja i sve druge poslove u nadležnosti Upravnog odbora utvrđene Statutom i drugim općim aktima Agencije.

Predsjednika Upravnog odbora Agencije imenuje i razrješava Vlada Zeničko-dobojskog kantona na period od četiri godine, a nakon isteka ovog perioda može biti ponovo imenovan.

Naknada za rad predsjednika Upravnog odbora utvrđena je općim aktima Agencije i iznosi 275 KM (paušal) + 50KM (po sjednici).

Regulirana tijela u nadležnosti ministra Ministarstva za privredu

2.1; 2.2.a); 2.2.b); 2.3.a) i 2.3.b)

Regulirana tijela u nadležnosti ministra Ministarstva za prostorno uređenje, promet i komunikacije i zaštitu okoliša

3.1. i 3.2

Regulirano tijelo u nadležnosti ministra Ministarstva za poljoprivredu, šumarstvo i vodoprivredu

4.1.

Predsjednik i članovi upravnog odbora, uz konsultacije s ministarstvom u čijoj su nadležnosti navedene ustanove - privredna društva - poduzeća, nadziru rad i poslovanje uprave-ravnatelja, a naročito prilikom donošenja odluka kojima se utiče na vrijednost kapitala privrednog društva- poduzeća, raspoložu imovinom i kapitalom ustanove-privrednog društva-poduzeća, utvrđuju strategiju razvoja, razmatraju i usvajaju izvještaje o poslovanju, predlažu raspodjelu i način upotrebe dobiti, odnosno način pokrića gubitka, te obavljaju i druge poslove sukladno statutima navedenih

ustanova-privrednih društava-poduzeća, odnosno sukladno Zakonu o privrednim društvima, te drugim zakonima i propisima.

Mandat predsjednika i članova upravnih odbora je četiri godine, s mogućnošću ponovnog imenovanja, sukladno zakonu.

Naknada za rad predsjednika i članova upravnog odbora utvrđena je općim aktima ustanova-privrednih društava-poduzeća i iznosi:

- 250 KM za člana Upravnog odbora MIZ "Kemal Kapetanović" Zenica,

- 441 KK za predsjednika Upravnog odbora "Unico filter" dd Tešanj,
- 368 KM za člana Upravnog odbora "Unico filter" dd Tešanj,
- 200 KM za predsjednika i članove GIK "Sretno" d.o.o. Breza,
- 50 KM (po sastanku) za predsjednika Upravnog odbora J.P. Šumarstvo" Visoko
- 200 KM za člana Upravnog odbora "Centrotrans" dd Kakanj,
- u visini prosječne mjesečne plaće u poduzeća za člana Upravnog odbora "Zenicatrans" dd Zenica.

Regulirana tijela u nadležnosti ministra Ministarstva za obrazovanje, znanost, kulturu i šport
5.1.do 5.11.

Nadležnosti upravnih odbora utvrđene su Zakonom o visokom obrazovanju i Zakonom o osnovnom obrazovanju, a sadrže, između ostalog: izbor i imenovanje ravnatelja osnovne škole, izbor nastavničkog osoblja, podnošenje osnivaču informacija o financijskom poslovanju. Naknade za rad utvrđuju se aktima osnivača, a za upravne odbore osnovnih škola iznose cca 50 KM.

Regulirano tijelo u nadležnosti ministra Ministarstva za pravosuđe i upravu

6.1.

Kantonalni pravobranitelj obavlja poslove iz djelokruga utvrđenog Zakonom o kantonalom pravobranilaštvu ("Sl. novine ZE/DO kantona", broj: 6/98). Kantonalni pravobranitelj imenuje se na četiri godine i može biti ponovno izabran. Plaća kantonalnog pravobranitelja utvrđuje se sukladno Zaključku Vlade Kantona o određivanju koeficijenta za utvrđivanje plaća funkcionera, rukovodećih radnika i radnika u Vladi Zeničko-dobojskog kantona, kantonalnim ministarstvima i drugim tijelima kantonalne uprave, broj: 03-403-195/96 od 26. 08. 1996. godine i Odlukom o plaćama i naknadama rukovodilaca izvršnih organa vlasti koje imenuje, odnosno postavlja Vlada Zeničko-dobojskog kantona, broj: 02-34-10506/01 od 25. 06. 2001. godine (koeficijent).

Regulirana tijela u nadležnosti ministra Ministarstva zdravlja

7.1.

Ravnatelj kantonalne bolnice Zenica organizira i rukovodi radom Ustanove, zastupa i predstavlja

Ustanovu pred trećim licima, predlaže Upravnom odboru mjere za efikasno i zakonito obavljanje djelatnosti za koje je ustanova osnovana i obavlja druge poslove sukladno Statutu i drugim općim aktima Kantonalne bolnice.

Mandat Ravnatelja Kantonalne bolnice Zenica je četiri godine i može biti ponovno izabran.

Plaća Ravnatelja Kantonalne bolnice Zenica utvrđena je sukladno Pravilniku o plaćama radnika Kantonalne bolnice Zenica (osnovica = 220 KM x koeficijent složenosti 8,00 + dodatak za rukovođenje na osnovnu plaću u visini od 30%).

7.2.

Ravnatelj Kantonalnog zavoda za medicinu rada organizira rad i poslovanje Zavoda, vrši pripremu i podnosi izvještaje Upravnom odboru i drugim organima sukladno sa općim propisima i aktima Zavoda, te vrši i druge poslove sukladno općim propisima, Odlukom o osnivanju zavoda i aktima zavoda.

Mandat Ravnatelja Kantonalnog zavoda za medicinu rada je četiri godine i može biti ponovno izabran.

Plaća Direktora Kantonalnog zavoda za medicinu rada utvrđena je općim aktima Zavoda (koeficijent 5,30, tj visina plaće bez minulog rada = 620,00 KM).

7.3.

Ravnatelj Kantonalnog zavoda zdravstvenog osiguranja organizira rad i poslovanje Kantonalnog zavoda zdravstvenog osiguranja, kao i provođenje dogovora, sporazuma i ugovora koje kantonalni zavod zdravstvenog osiguranja zaključio ili im je pristupio, stara se o blagovremenom obezbjeđivanju financijskih sredstava potrebnih za sprovođenje obveznog zdravstvenog osiguranja, o njihovoj namjenskoj uporabi i o zakonitom, pravilnom i blagovremenom ostvarivanju prava osiguranih osoba, daje naloge za izvršavanje financijskog plana zavoda, stara se o pripremi svih akata i materijala za Upravni odbor, rukovodi radom stručne službe, te obavlja i druge poslove sukladno Statutu Kantonalnog zavoda zdravstvenog osiguranja ("Sl. novine ZE/DO kantona", broj: 19/99)

Mandat Ravnatelja Kantonalnog zavoda zdravstvenog osiguranja je četiri godine i može biti ponovno izabran.

Plaća Ravnatelja Kantonalnog zavoda zdravstvenog osiguranja utvrđena je Pravilnikom o radu Zavoda (koeficijent 4,24, tj. visina plaće bez minulog rada = 860,00 KM).

Kandidati za imenovanja/nominiranja na upražnjene pozicije u reguliranim tijelima Vlade i pojedinih ministarstava

Zeničko-dobojskog kantona moraju ispunjavati opće i posebne uslove.

Opći uvjeti za imenovanja/nominiranja na upražnjene pozicije u reguliranim tijelima Vlade i ministarstava Zeničko-dobojskog kantona su:

- ◆ da je državljanin Bosne i Hercegovine
- ◆ da je stariji od 18 godina,
- ◆ da nije otpušten iz državne službe kao rezultat disciplinske mjere (bilo na razini države ili entiteta) u periodu od tri godine prije dana objavljivanja upražnjene pozicije,
- ◆ da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- ◆ da nije na funkciji u političkoj stranci u smislu članka 5. Zakona o ministarskim, vladinim i drugim imenovanjima F BiH ("Sl. novine FBiH", broj: 12/03),
- ◆ da nije član organa zakonodavne, izvršne ili sudske vlasti ili savjetnik u smislu Zakona o sukobu interesa ("Sl. glasnik BiH", broj: 16/02),
- ◆ da nema privatni/financijski interes u instituciji u kojoj se kandidira,
- ◆ da nije osuđivan za krivično djelo i za privredni prijestup nespoljive s dužnošću u instituciji u koju se kandidira, pet godina od dana pravosnažnosti presude, isključujući vrijeme zatvorske kazne,
- ◆ da nije osoba kojoj je pravosnažnom presudom suda zabranjeno obavljanje aktivnosti u nadležnoj instituciji u kojoj se kandidira,
- ◆ da nije stariji od 70 godina na dan imenovanja.

Posebni uvjeti za imenovanja/nominiranja na upražnjene pozicije u reguliranim tijelima Vlade i ministarstava Zeničko-dobojskog kantona su, kako slijedi:

1.1. Ravnatelj Agencije za privatizaciju Zeničko-dobojskog kantona

- VSS (VII/1) ekonomskog ili pravnog smjera,
- 5 godina radnog iskustva,
- da nije član nadzornog ili upravnog odbora, odnosno odbora za reviziju nekog privrednog društva,
- sposobnost kreativnog doprinosa reformi, privatizaciji i tranziciji državne imovine,
- sposobnost za savjesno, odgovorno i odlučno

obavljanje upražnjene pozicije,

- sposobnost nepristrasnog donošenja odluka,
- komunikacijske i organizatorske sposobnosti,
- sposobnost tumačenja ekonomskih, tehnoloških i pravnih analiza i propisa,
- sposobnost upravljanja finansijskim i ljudskim resursima i naklonjenost timskom radu,
- rezultati rada ostvareni tokom poslovne karijere,
- preporuke ranijih neposrednih rukovoditelja,
- poželjno znanje jednog svjetskog jezika.

1.2. Predsjednik Upravnog odbora Agencije za privatizaciju Zeničko-dobojskog kantona

- VSS (VII/1),
- 5 godina radnog iskustva,
- da nije član nadzornog ili upravnog odbora, odnosno odbora za reviziju u više od jednog privrednog društva,
- da posjeduje stručno znanje iz oblasti društvenih ili tehničkih nauka, vezanih za oblast privatizacije,
- da posjeduje znanja iz oblasti rada i organizacije komunalnih poduzeća,
- da je objavljivao radove iz oblasti privatizacije,
- da je uspješan privrednik-menadžer,
- sposobnost kreativnog doprinosa reformi, privatizaciji i tranziciji državne imovine,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizatorske sposobnosti,
- sposobnost tumačenja ekonomskih, tehnoloških i pravnih analiza i propisa,
- rezultati rada ostvareni tokom poslovne karijere,
- preporuke ranijih neposrednih rukovoditelja.

2.1. Član Upravnog odbora MIZ "KEMAL KAPETANOVIĆ" d.o.o. Zenica

2.2. a) Predsjednik Upravnog odbora "UNICO FILTER" dd Tešanj

2.2. b) Član Upravnog odbora "UNICO FILTER" dd Tešanj

2.3. a) Predsjednik Upravnog odbora GIK "SRETN0" d.o.o. Breza

2.3. b) Član Upravnog odbora GIK "SRETNO" d.o.o.
Breza

3.1. Član Upravnog odbora "CENTROTRANS" dd Kakanj

3.2. Član Upravnog odbora "ZENICATRANS" dd Zenica

4.1. Predsjednik Upravnog odbora J.P. Šumarstvo"
Visoko

- VSS (VII/1),
- 15 godina radnog iskustva,
- da nije član nadzornog ili upravnog odbora, odnosno odbora za reviziju u više od jednog privrednog društva,
- sposobnost kreativnog doprinosa reformi, privatizaciji i tranziciji državne imovine,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizatorske sposobnosti,
- sposobnost tumačenja ekonomskih, tehnoloških i pravnih analiza i propisa,
- poželjno direktno iskustvo u oblasti rada i organizacije privrednih društava u kojima se kandidira na upražnjenu poziciju,
- rezultati rada ostvareni tokom poslovne karijere,
- preporuke ranijih neposrednih rukovoditelja.

5.1. Predsjednik Upravnog odbora OŠ "Hamza Humo"
Babino - Zenica

5.2. Predsjednik Upravnog odbora OŠ "Musa Ćazim
Čatić" Zenica

5.3. Predsjednik Upravnog odbora Specijalne osnovne
škole Zenica

5.4. Predsjednik Upravnog odbora OŠ "Ćamil Sijarić"
Nemila - Zenica

5.5. Predsjednik Upravnog odbora OŠ "21. mart"
Matuzići Doboj - Jug

5.6. Predsjednik Upravnog odbora OŠ "Hamdija
Kreševljaković" Kakanj

5.7. Predsjednik Upravnog odbora OŠ "15. april" Doboj -
Kakanj

5.8. Član Upravnog odbora iz reda roditelja OŠ "Katarina
Kotromanić - Kosača" Žepče

5.9. a) Predsjednik Upravnog odbora OŠ "Novi Šeher" u
Novom Šeheru

5.9. b) Član Upravnog odbora iz reda nastavnika OŠ
"Novi Šeher" u Novom Šeheru

5.9. c) Član Upravnog odbora iz reda roditelja OŠ "Novi

Šeher" u Novom Šeheru

5.10. Član Upravnog odbora Mašinskog fakulteta Zenica

5.11. Član Upravnog odbora MIZ "Kemal Kapetanović"
Zenica

- VSS (VII/1), VŠS (VI/1, a izuzetno SSS (IV) za članove upravnih odbora škola iz reda roditelja,
- 5 godina radnog iskustva,
- uživanje ugleda u lokalnoj zajednici,
- da nije član više od jednog upravnog ili nadzornog odbora,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizatorske sposobnosti,
- rezultati rada ostvareni tokom poslovne karijere,
- preporuke ranijih neposrednih rukovoditelja, naročito u oblasti vaspitanja i obrazovanja djece i omladine,
- preporuke nevladinih organizacija vezanih za oblast rada, vaspitanja i obrazovanja djece i omladine.

6.2. Kantonalni pravobranilac

- VSS (VII/1) - Pravni fakultet,
- položen pravosudni ispit,
- najmanje 5 godina radnog iskustva na imovinsko-pravnim poslovima u pravobranilaštvu, pravosudnim organima i drugim državnim organima, odnosno privrednim društvima/poduzećima,
- da uživa ugled odličnog visokog pravnog stručnjaka,
- da posjeduje najviše moralne osobine za obavljanje službe pravobranitelja
- da nije član nadzornog ili upravnog odbora, odnosno odbora za reviziju nekog privrednog društva/poduzeća,
- sposobnost kreativnog doprinosa reformi, privatizaciji i tranziciji državne imovine,
- komunikacijske i organizatorske sposobnosti,
- sposobnost tumačenja ekonomskih i pravnih analiza i propisa,
- sposobnost upravljanja finansijskim i ljudskim resursima i naklonjenost timskom radu,
- rezultati rada ostvareni tokom poslovne karijere,

- preporuke ranijih neposrednih rukovoditelja,
- poznavanje najmanje jednog stranog jezika (engleski ili njemački).

7.4. Ravnatelj Kantonalne bolnice Zenica

7.5. Ravnatelj Kantonalnog zavoda za medicinu rada

- VSS (VII/1) zdravstvenog usmjerenja,
- 5 godina radnog iskustva,
- sa iskustvom kreativnog doprinosa reformi u oblasti zdravstva,
- dosadašnji doprinos poboljšanju standarda zdravstvenih usluga i kliničke prakse,
- sposobnost za savjesno, odlučno i odgovorno obavljanje upražnjene pozicije,
- sposobnost nepristrasnost donošenja odluka,
- izvrsne rukovodeće sposobnosti. (vođa koji posjeduje sposobnost da inspirira i motiviše raznovrstan tim. Potrebne su i izuzetne komunikacijske sposobnosti obzirom da zadaci uključuju i blisku saradnju s kolegama i odgovornost prema velikom broju korisnika usluga),
- kvalifikacije i iskustvo ostvareni tokom poslovne karijere,
- preporuke ranijih neposrednih rukovoditelja.

7.6. Ravnatelj Kantonalnog zavoda zdravstvenog osiguranja

- VSS (VII/1) ekonomskog, pravnog ili zdravstvenog usmjerenja,
- 5 godina radnog iskustva,
- sa iskustvom kreativnog doprinosa reformi u oblasti zdravstva,
- dosadašnji doprinos poboljšanju standarda zdravstvenih usluga i kliničke prakse,
- sposobnost za savjesno, odlučno i odgovorno obavljanje upražnjene pozicije,
- sposobnost nepristrasnost donošenja odluka,
- izvrsne rukovodeće sposobnosti (vođa koji posjeduje sposobnost da inspirira i motiviše raznovrstan tim. Potrebne su i izuzetne komunikacijske sposobnosti obzirom da zadaci uključuju i blisku saradnju s kolegama i odgovornost prema velikom broju korisnika usluga),

- kvalifikacije i iskustvo ostvareni tijekom poslovne karijere,
- preporuke ranijih neposrednih rukovoditelja.

Podnosioci prijava s kojima se ne stupi u kontakt u roku od osam (8) dana od isteka roka za podnošenje prijava neće biti uzeti u razmatranje u daljem procesu imenovanja.

(Posljednji dan podnošenja prijava računa se prema datumu objave u glasilu koje posljednje bude objavilo ovaj oglas).

Svi kandidati koji budu stavljeni na listu sa užim izborom bit će pozvani na intervju pred Povjerenstvom I i Povjerenstvom II za izbor na upražnjene pozicije u reguliranim tijelima Zeničko-dobojskog kantona, imenovanim od strane Vlade Zeničko-dobojskog kantona. Prije intervjua kandidati su dužni dati podatke o ranijim neposrednim rukovoditeljima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se mogu dobiti u Stručnoj službi Vlade Zeničko-dobojskog kantona.

Osobni podaci o podnositeljima prijava su tajni i mogu se prikupljati i obrađivati samo sukladno Zakonu o zaštiti osobnih podataka BiH ("Sl. glasnik BiH", broj: 32/01).

Kandidati koje nakon intervjua preporuča Povjerenstvu za izbor smatrat će se da su najuspješnije prošli otvorenu konkurenciju, a Stručna služba Vlade Zeničko-dobojskog kantona osigurat će da se izvrše i javno objave konačna imenovanja na upražnjenu poziciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima F BiH, bilo koji kandidat ili bilo koji član javnosti može podnijeti prigovor na konačno imenovanje. Prigovor se podnosi "ovlaštenom javnom službeniku" - Vladi ili ministru u Vladi Zeničko-dobojskog kantona, a kopija se dostavlja Ombudsmanu F BiH.

Prijave kandidata treba da sadrže kraći životopis, adresu i kontakt telefon. Uz prijavu treba dostaviti preslik dokaza o stručnoj spremi, radnom iskustvu, uvjerenje o nekažnjavanju (ne starije od 3 mjeseca), kao i druge dokaze o ispunjavanju općih i posebnih uvjeta iz oglasa. Kandidati koji budu pozvani na inter-

vju dužni su dostaviti ovjerane preslike traženih dokumenata.

Oglas će biti objavljen u "Službenim novinama Federacije BiH", "Službenim novinama ZE/DO kantona", listu "Dnevni avaz" Sarajeva i listu "Naša riječ" Zenica.

Oglas za podnošenje prijava ostaje otvoren 15 dana od dana objavljivanja.

Prijave sa traženim dokumentima treba dostaviti osobno ili preporučenom poštom sa naznakom

"PRIJAVA NA OGLAS - NE OTVARATI"

na adresu:

Zeničko-dobojski kanton
Stručna služba Vlade
- Povjerenstvo za izbor na upražnjene pozicije
u reguliranim tijelima ZDK -
Kućukovići br. 2
72000 Zenica

Neblagovremene prijave neće se uzimati u razmatranje.

KAZALO

232. Oglas za upražnjene pozicije u reguliranim tijelima Zeničko - dobojskog kantona.....503